

UPUTSTVO ZA PACIJENTA

ANGIOTEC PLUS

20 mg + 12,5 mg

tablete

enalapril maleat + hidrohlorotiazid

Prije upotrebe lijeka pažljivo pročitajte ovo uputstvo

Sačuvajte ovo uputstvo. Kasnije ćete ga možda trebati ponovo pročitati.

Ako imate dodatnih pitanja, obratite se svom ljekaru ili farmaceutu.

Ovaj lijek je propisan lično Vama i ne smijete ga davati nikome drugom jer bi mu mogao naškoditi, čak i ako ima simptome slične Vašima.

Ukoliko neki od neželjenih efekata postane ozbiljan ili ako primijetite neki neželjeni efekat koji nije naveden u ovome uputstvu, molimo Vas, obratite se ljekaru ili farmaceutu.

Uputstvo sadrži:

1. Šta je ANGIOTEC PLUS i za šta se koristi
2. Prije nego počnete uzimati ANGIOTEC PLUS
3. Kako uzimati ANGIOTEC PLUS
4. Moguće nuspojave
5. Kako čuvati ANGIOTEC PLUS
6. Dodatne informacije

1. ŠTA JE ANGIOTEC PLUS I ZA ŠTA SE KORISTI

ANGIOTEC PLUS sadrži kombinaciju enalapril maleata i hidrohlorotiazida:

- enalapril pripada skupini lijekova koji se nazivaju inhibitorima enzima konvertaze angiotenzina (ACE inhibitori), koji djeluju tako da šire krvne sudove.
- hidrohlorotiazid pripada skupini lijekova koji se nazivaju diureticima, koji djeluju tako da povećavaju količinu proizvedenog urina.

ANGIOTEC PLUS primjenjuje se za snižavanje krvnog pritiska, tj. za liječenje povišenog krvnog pritiska (hipertenzije). Uzimanje obje aktivne supstance koje sadrži ANGIOTEC PLUS, može pojačati njihovo djelovanje u usporedbi sa svakom pojedinačnom.

2. PRIJE NEGO POČNETE UZIMATI ANGIOTEC PLUS

Nemojte uzimati ANGIOTEC PLUS:

- ako ste ikada imali alergijsku reakciju na ANGIOTEC PLUS, slične lijekove ili na bilo koji sastojak lijeka (navedeni u dijelu 6).
- ako ste prethodno bili tretirani s lijekovima koji spadaju grupi lijekova kao što je ANGIOTEC PLUS (ACE inhibitori) i imali alergijske reakcije kao što su oticanje lica, usana, jezika i / ili grla s poteškoćama u gutanju ili disanju. Vi ne bi trebali uzimati ovaj lijek ako ste imali ove vrste reakcija bez poznatog uzroka, ili ako Vam je dijagnosticiran nasljedni ili idiopatski angioedem.
- ako ste alergični na skupinu lijekova koji se zovu „sulfonamidi“. (Pitajte Vašeg ljekara ako niste sigurni koji lijekovi spadaju u skupinu lijekova „sulfonamidi“)
- ako ne možete da mokrite
- ako imate dijabetes ili poremećaj funkcije bubrega, a koristite lijekove za sniženje krvnog pritiska koji sadrže aliskiren
- ako ste trudni više od 3 mjeseca. (ANGIOTEC PLUS je preporučljivo izbjegavati i u ranoj fazi trudnoće - vidi dio trudnoća.)
- ako imate stanje poznato kao suženje bubrežne arterije (suženje arterija koje opskrbljuju bubrege krvlju)
- ako patite od teškog oboljenja bubrega ili jetre
- ako se liječite sakubil/valsartanom , lijekom za zastoj srca

Nemojte uzimati ANGIOTEC PLUS ako se bilo šta od navedenog odnosi na Vas. Ako niste sigurni posavjetujte se sa svojim ljekarom ili farmaceutom.

Budite oprezni s ANGIOTEC PLUS tabletama

Posavjetujte se sa ljekarom ili farmaceutom prije uzimanja lijeka:

- ako imate probleme s bubrežima, ako ste nedavno imali transplantaciju bubrega, ako ste na dijalizi ili ako koristite diuretike
- ako imate poremećaje krvi ili probleme s jetrom
- ako ste na dijeti s ograničenim unosom soli ili ukoliko ste nedavno imali obilan proljev ili povraćanje
- ako bolujete od stanja poznatih kao „suženje aorte“, „hipertrofična kardiomiopatija“ ili „poremećaj cirkulacije“
- ako imate kolageno oboljenje krvnih žila, ako uzimate terapiju immunosupresivima (koriste se u liječenju autoimunih oboljenja kao što su artritis ili nakon transplantacije organa)
- ako uzimate alopurinol (koristi se u liječenju gihta), ili prokainamid (koristi se za liječenje poremećaja srčanog ritma). Ako razvijete infekciju (simptomi mogu uključivati povišenu tjelesnu temperaturu ili groznicu) odmah se javite ljekaru. Ljekar će Vam možda povremeno raditi nalaze krvi kako bi provjerio broj bijelih krvnih stanica.
- ako ste prije patili od angioedema nakon uzimanja drugih lijekova. Simptomi mogu biti svrbež, urtikarija, trnci u rukama i oticanje ruku, grla, usta ili očnih kapaka
- ako imate dijabetes ili uzimate lijekove za liječenje dijabetesa, uključujući inzulin (u tom slučaju je potrebno pratiti nivoe glukoze u krvi, posebno tokom prvog mjeseca liječenja, zbog mogućnosti sniženja nivoa glukoze u krvi)
- ako uzimate preparate kalija ili soli koje sadrže kalij ili druge lijekove koji mogu povećati kaliju krvi (npr heparin, lijek koji se koristi za spečavanja nastanka krvnih ugrušaka), proizvode koji sadrže trimetoprim kao što je kotrimoksazol- lijekovi koji se koriste za liječenje infekcija.
- ako koristite litij za liječenje određenih psihijatrijskih oboljenja
- ako vam je ljekar rekao da patite od nepodnošenja određenih šećera
- trebate odmah obavijestiti ljekara ako mislite da ste trudni ili da biste mogli biti trudni. Upotreba ANGIOTECA PLUS se ne preporučuje u ranoj fazi trudnoće, a nakon trećeg mjeseca trudnoće ne smije se uzimati, jer u kasnijim fazama trudnoće može izazvati ozbiljna oštećenja ploda (vidi dio Trudnoća).
- Ako ste imali rak kože ili ako ste razvili neočekivanu kožnu leziju tokom tretmana. Liječenje hidrohlorotiazidom, posebno dugotrajna primjena velikih doza, može povećati rizik od nekih vrsta kožnih karcinoma (nemelanomski karcinom kože) Zaštite kožu od izlaganja suncu i UV zracima dok uzimate Angiotec plus
- Recite svom ljekaru ako uzimate mTOR inhibitore (npr. Temsirolimus, sirolimus, everolimus: lijekovi koji se koriste za liječenje određenih vrsta karcinoma ili za sprečavanja imunološkog sustava tijela da odbaci transplantirani organ) ili lijek koji sadrži inhibitor neprilisin, poput sacubitrila (dostupno kao kombinacija doze sa valsartanom), koji se koristi kod pacijenata sa zatajivanjem srca i racecadotriila, koji se koristi u bolesnika s akutnim proljevom. Možda ste pod povećanim rizikom od alergijske reakcije koja se naziva angioedem.
- Recite Vašem ljekaru ako uzimate bilo koji od navedenih lijekova za liječenje povišenog krvnog pritiska:
 - Blokator angiotenzin II receptora (ARB) (također poznati pod imenom sartani - naprimjer valsartan, telmisartan, ibesartan itd.), naročito ako imate probleme sa bubrežima uzrokovane dijabetesom.
 - aliskiren

Vaš ljekar povremeno može provjeriti funkciju bubrega, krvni pritisak i količinu elektrolita (npr. kalij) u Vašoj krvi.

Pogledajte dio "Nemojte uzimati ANGIOTEC PLUS "

Ako ćete biti podvrgnuti nekoj od slijedećih procedura, obavijestite ljekara da uzimate ANGIOTEC PLUS:

- operacije ili primjena anestezika (čak i ukoliko idete stomatologu)
- tretman LDL afereze, kojim se iz krvi uklanja kolesterol
- tretmani desenzibilizacije, kako bi se umanjili alergijski efekti u jeda pčele ili ose

Rutinski testovi

Kada prvi put počnete primjenjivati ANGIOTEC PLUS ljevak će Vam često nadzirati krvni pritisak, kako bi osigurao da primete ispravnu dozu lijeka. Kod nekih pacijenata će biti potrebno raditi i nalaze kako bi se izmjerili nivoi kalija, natrija, magnezija, kreatinina i jetrenih enzima.

Obavijestite ljekara da uzimate ANGIOTEC PLUS ukoliko trebate biti podvrgnuti anti-doping testovima, jer ovaj lijek može pokazati pozitivne rezultate.

Djeca i adolescenti

Upotreba ANGIOTECA PLUS kod djece se ne preporučuje.

Uzimanje drugih lijekova i ANGIOTECA PLUS

Obavijestite svog ljekara ili farmaceuta ako uzimate ili ste nedavno uzimali neke druge lijekove. Vaš ljevak će možda morati promijeniti dozu i / ili preduzeti druge mjere opreza.

Općenito, ANGIOTEC PLUS se može uzimati s drugim lijekovima. Za postizanje ispravne doze ANGIOTEC PLUS tableta posebno je važno da Vaš ljevak zna da li uzimate bilo koji od sljedećih lijekova:

- Blokator angiotenzin II receptora (ARB) ili aliskiren (vidi dio „Nemojte uzimati ANGIOTEC PLUS“ i „Budite oprezni s ANGIOTEC PLUS tabletama“),
- kalij štedeći diuretici kao što su spironolakton, eplerenon, triamteren ili amilorid, dodaci prehrani koji sadrže kalij ili soli koje sadrže kalij. Ili drugih lijekova koji mogu povećati kalijum u krvi (npr heparin, lijek koji se koristi za spečavanja nastanka krvnih ugrušaka), proizvode koji sadrže trimetoprim kao što je kotrimoksazol- lijekovi koji se koriste za liječenje infekcija. ANGIOTEC PLUS može povisiti nivo kalija u krvi, što se obično može ustanoviti pomoću nalaza.
- diuretici kao što su tiazidi, furosemid, bumetanid
- drugi lijekovi koji snižavaju krvni pritisak, kao što u nitroglicerina, nitrati i vazodilatatori
- litij, koji se koristi u liječenju određenih psihijatrijskih oboljenja. ANGIOTEC PLUS ne bi se smio uzimati zajedno sa ovim lijekom
- barbiturati (sedativi koji se koriste u liječenju nesanicice ili epilepsije)
- triciklički antidepressivi kao što su amitriptilin, koji se koristi za liječenje depresije, antipsihotici kao što su fenotiazini koji se koriste u liječenju teških anksioznih poremećaja
- analgetici kao što je morfij ili anestetici, jer oni mogu dodatno sniziti krvni pritisak
- holestiramin ili holestipol (koji se koriste za kontrolu nivoa holesterola)
- lijekovi koji se koriste za ukočenost i upalu povezanu sa bolnim stanjima, posebno onim koji pogađaju mišiće, kosti i zglobove:
 - uključujući terapiju zlatom koja može dovesti do crvenila lica, osjećaja mučnine, povraćanja i sniženog krvnog pritiska, ukoliko se primjeni istovremeno sa ANGIOTEC PLUS tabletama
 - nesteroidni protuupalni lijekovi (NSAR), npr. diflunisal ili diklofenak. Oni mogu otežati kontrolu krvnog pritiska i mogu povećati razine kalija u krvi
- lijekovi kao što je efedrin (sastavni je dio pojedinih preparata za kašalj i prehladu), ili noradrenalin i adrenalin koji se koriste kod sniženog krvnog pritiska, šoka, zatajenja srca, astme ili alergije. Ako se koriste zajedno sa ANGIOTECA PLUS ovi lijekovi mogu povisiti krvni pritisak.
- ACTH (za provjeru funkcionalnosti nadbubrežne žlijezde)
- kortikosteroidi (za liječenje stanja kao što su reuma, artritis, alergije, astma ili pojedini poremećaji krvi)
- alopurinol (za liječenje gihta)
- ciklosporini (imunosupresivi za liječenje autoimunih oboljenja)
- lijekovi za liječenje tumora
- antacidi (lijekovi koji pomažu kod poteškoća s varenjem)
- prokainamid, amiodaron ili sotalol (koriste se za liječenje poremećaja srčanog ritma)
- digitalis (koristi se za liječenje poremećaja srčano ritma)
- karbenoksalon (koristi se za liječenje vrieda želuca)

- prekomjerna upotreba laksativa
- antidijabetici poput inzulina. ANGIOTEC PLUS može dovesti do daljnjeg pada razine šećera u krvi ako se primjeni zajedno sa antidijabeticima.
- mTOR inhibitore (npr. Temsirolimus, sirolimus, everolimus: lijekovi koji se koriste za liječenje određenih vrsta karcinoma ili za sprečavanje imunološkog sustava tijela da odbaci transplantirani organ) ili lijek koji sadrži inhibitor neprilysin, poput sacubitrila (dostupno kao kombinacija doze sa valsartanom), koji se koristi kod pacijenata sa zatajivanjem srca i racecadotriola, koji se koristi u bolesnika s akutnim proljevom. Rizik od alergijske reakcije koja se naziva angioedem (oticanje lica, usana, jezika, ili grla s poteškoćama u gutanju ili disanju) može se povećati. Pogledajte i informacije pod naslovom „Ne uzimati Angiotec plus“ i „Upozorenja i mjere opreza.“

Ako niste sigurni da li se nešto od navedenog odnosi na Vas, obratite se ljekaru ili farmaceutu.

Uzimanje ANGIOTECA PLUS sa hranom i pićem

Većina osoba uzima ANGIOTEC PLUS sa vodom.

ANGIOTEC PLUS može se uzimati neovisno o hrani. Međutim, istovremeno konzumiranje alkohola može dovesti do daljnjeg pada krvnog pritiska, uz simptome vrtoglavice, glavobolje i nesvjestice. Konzumiranje alkohola trebalo bi se svesti na minimum.

Trudnoća i dojenje

Trudnoća

Ako ste trudni ili dojite, ako mislite da ste trudni ili ako planirate trudnoću, pitajte Vašeg ljekara za savjet prije nego što počnete koristiti ovaj lijek. Ljekar će Vam uobičajeno savjetovati da prekinete terapiju ANGIOTECOM PLUS ako planirate trudnoću ili neposredno nakon što zatrudnite, te će Vam propisati neki drugi lijek umjesto ANGIOTECA PLUS. Primjena ANGIOTECA PLUS se ne preporučuje tijekom trudnoće, te se ne smije uzimati ako ste trudni više od 3 mjeseca, jer može uzrokovati ozbiljna oštećenja ploda.

Dojenje

Obavijestite ljekara ako dojite ili planirate dojit. Primjena ANGIOTECA PLUS se ne preporučuje kod dojlja.

Upravljanje vozilima i strojevima

Tijekom primjene ANGIOTECA PLUS prijavljene su nuspojave kao što su vrtoglavica i umor, što može uticati na sposobnost upravljanja vozilima i strojevima. (vidi dio 4. Moguće nuspojave)

ANGIOTEC PLUS tablete sadrže laktozu.

Ako Vam je ljekar rekao da ne podnosite neke šećere, posavjetujte se s ljekarom prije uzimanja ovog lijeka.

3. KAKO UZIMATI ANGIOTEC PLUS ?

Uzimanje ANGIOTECA PLUS

- Lijek trebate uzimati kroz usta.
- Lijek uzimajte uvijek onako kako Vam je propisao ljekar.
- Broj tableta koje trebate uzeti svaki dan ovisit će o Vašem stanju.

Posavjetujte se sa ljekarom ili farmaceutom ako niste sigurni.

UPAMTITE da je ovaj lijek namjenjen isključivo Vama. Nemojte ga davati nikome drugome, možda im neće odgovarati.

Uobičajene doze za većinu pacijenata su:

- Jedna tableta dnevno.
- Ljekar može povisiti dozu na dvije tablete dnevno.
- Nemojte uzimati više ili manje lijeka od onoga koliko Vam je ljekar propisao.

Ako uzmete više ANGIOTECA PLUS nego što ste trebali

Ako uzmete Više lijeka nego što biste trebali, odmah se javite ljekaru. Najčešći simptomi predoziranja su: pad krvnog pritiska i stupor (stanje skoro potpunog gubitka svijesti). Ostali simptomi mogu uključivati vrtoglavicu kao posljedica pada krvnog pritiska, jaki i brzi otkucaju srca, ubrzna puls, nervozu, kašalj, zatajenje bubrega i ubrzano disanje.

Ako ste zaboravili uzeti ANGIOTEC PLUS

- Ako ste zaboravili uzeti lijek, preskočite zaboravljenu dozu.
- Slijedeću dozu uzmite u uobičajeno vrijeme.
- Nemojte uzimati duplu dozu kako biste nadoknadili propuštenu dozu.

Ako prestanete uzimati ANGIOTEC PLUS

Nemojte prestati uzimati lijek, ukoliko Vam ljekar nije tako rekao. U suprotnom bi Vam se mogao povisiti krvni protisak. Ako Vam krvni pritisak previše poraste, mogao bi utjecati na srce i bubrege.

Ako imate dodatna pitanja o lijeku, obratite se ljekaru ili farmaceutu.

4. MOGUĆE NUSPOJAVE

Kao i drugi lijekovi ANGIOTEC PLUS može izazvati nuspojave, iako se ne moraju javiti kod svakoga. Prilikom primjene ovog lijeka moguće su slijedeće nuspojave:

Ako primjetite neki od slijedećih simptoma, odmah prestanite uzimati ANGIOTEC PLUS i obratite se ljekaru:

- alergijske reakcije - simptomi su svrbež, kratak dah, otok ruku, usta, grla, lica ili očiju
- jaka reakcija preosjetljivosti, visoka temperatura, osip na koži koji izgleda kao meta (multiformni eritem), teška stanja kože sa crvenilom, ljuštenjem i stvaranjem plikova na koži (Stivens Johnsonov sindrom i toksična epidermalna nekroliza)
- Zatajenje jetre ili hepatitis (može uzrokovati žutilo vaše kože -žutica)

Ako primjetite neki od slijedećih simptoma prestanite uzimati ANGIOTEC PLUS i obratite se ljekaru:

- jaka glavobolja, omaglica, pogotovo na početku terapije ili nakon povećanja doze ili prilikom ustajanja

Ostale moguće nuspojave:

Veoma često (javlja se kod 1 od 10 pacijenata)

- zamagljen vid, kašalj, mučnina, slabost

Često (javlja se kod manje od 1 od 10 pacijenata)

- glavobolja, depresija, snižen krvni pritisak, nesvjestica
- bolovi u prsima, promjene srčanog ritma, angina, ubrzan puls, kratak dah
- proljev, bolovi u predjelu trbuha, promjene okusa, zadržavanje tekućine (otekline), umor
- osip, preosjetljivost/angioneurotski edem: prijavljeni su angioneurotski edem lica, ekstremiteta, usana, jezika, glotisa i/ili larinksa
- povišeni nivoi kalija u krvi, povišene vrijednosti serumskog kreatinina (obično se utvrđuju pomoću krvnih nalaza); snižene vrijednosti kalija u krvi, povišene vrijednosti holesterola, povišene vrijednosti triglicerida, povišene vrijednosti mokraćne kiseline u krvi
- grčevi u mišićima

Manje često (javlja se kod manje od 1 od 100 pacijenata)

- anemija, smanjen broj crvenih krvnih zrnaca i niski hemoglobin anksioznost, osjećaj pojačane svijesnosti ili osjećaj slabosti (prouzrokovan sniženim vrijednostima šećera u krvi), konfuzija, pospanost, nervoza, trnci ili obamrlost, vrtoglavica
- snižen krvni pritisak (što može izazvati vrtoglavicu prilikom ustajanja), ubrzani ili neujednačeni otkucaji srca, srčani ili moždani udar (kod visoko rizičnih pacijenata)
- curenje iz nosa, grlobolja, otežano disanje, astma
- začepjenje crijeva (ileusa), pankreatitis, mučnina, loša probava, zatvor, anoreksija, iritacija želuca, suhoća usta, nadutost, giht

- žgaravica, probadajuća bol sa osjećajem gladi, posebno na prazan želudac (uzrokovano peptičkim vriedom), prekomjerno znojenje, svrbež, koprivnjača, gubitak kose, proteini u urinu (obično se određuju testovima u urinu)
- impotencija, umanjen libido, crvenilo, zvonjenje u ušima, osjećaj letargije, povišena temperatura
- povišene vrijednosti uree u krvi i snižene vrijednosti natrija u krvi (obično se određuju krvnim pretragama), slabost
- snižene vrijednosti magnezija u krvi (hipomagnezemija)
- problemi s bubrežima
- bolovi u zglobovima

Rijetko (javlja se kod manje od 1 od 1000 pacijenata)

- neuobičajeni snovi, problemi sa spavanjem
- snižen broj bijelih krvnih stanica, crvenih krvnih stanica, krvnih pločica, depresija koštane srži (obično se određuju krvnim pretragama)
- otečene žlijezde, autoimuna oboljenja, slaba cirkulacija u prstima na nogama i rukama sa crvenilom i bolovima (Raynaud-ov fenomen), tekućina u plućima, curenje iz nosa
- eozinofilna upala pluća (simptomi mogu biti kašalj, povišena tjelesna temperatura i otežano disanje)
- bol, otečenost ili ulceracije u ustima, infekcija i bolovi i oticanje jezika, problemi s bubrežima kao što su bolovi u donjem dijelu leđa i smanjena količina urina
- otečena nosna sluznica
- poteškoće s disanjem, respiratorni distres
- zatajenje jetre ili hepatitis, što može izazvati žutilo kože (žutica)
- teške reakcije preosjetljivosti s visokom temperaturom, osip koji izgleda poput mete (eritema multiforme), Stevens-Johnson sindrom i toksična epidermalna nekroliza (teška kožna oboljenja sa crvenilom, skaliranje i plikovima), teški osip sa gubitkom kože i kose (eksfolijativni dermatitis), kožni eritemski lupus (imunološka bolest), crveni osip sa ljuštenjem kože (eritrodermije), mali plikovi ispunjeni tečnošću na koži (pemfigus), ljubičaste ili crvene mrlje na koži (purpura) prekomjerno crvenilo kože, plikovi, ljuštenje kože u vidu krpica, jaka reakcija preosjetljivosti s visokom groznicom, kožni osip koji izgleda poput meta(eritem multiformni), Stevens Johnsonov sindrom i toksična epidermalna nekroliza (teška stanja kože sa crvenilom, ljuštenjem i plikovima na koži), teški osip na koži s gubitkom kože i dlake (eksfolijativni dermatitis), kožni eritematozni lupus (imunološka bolest), crveni osip sa ljuštenjem kože (eritoderma),sitni nasipi na koži ispunjeni tekućinom (pemphigu),ljubičaste ili crvene mrlje na koži (purpura)
- razvoj grudi kod muškaraca
- povišeni jetreni enzimi ili bilirubin u krvi (može se ustanoviti krvnim pretragama), povišen nivo šećera u krvi
- mišićna slabost, ponekad zbog niske razine kalija u krvi (pareza)

Veoma rijetko (javlja se kod manje od 1 od 10000 pacijenata)

- angioedem crijeva. Simptomi mogu uključivati bol u želucu, mučninu i povraćanje, povišene vrijednosti kalcija u krvi

Ostalo (nepoznata učestalost javljanja nuspojave)

Mogu se javiti kompleksni simptomi nuspojave koji mogu uključivati:

- groznica, upala krvnih sudova, upala i bol u mišićima i zglobovima
- poremećaji krvi koji utječu na krvne komponente (obično se ustanove krvnim pretragama)
- osip, preosjetljivost na sunčevu svjetlost i drugi kožni simptomi
- pretjerana proizvodnja antidiuretskog hormona, koji uzrokuje zadržavanje tečnosti, rezultira pojavi slabosti, umora ili zbunjenosti.
- rak kože i usana(nemelanomski rak)

Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. KAKO ČUVATI ANGIOTEC PLUS?

Čuvati izvan dohvata i pogleda djece.

Lijek čuvati na temperaturi do 25°C, u originalnom pakovanju, zaštićeno od svjetlosti.

Ne stavljajte ovaj lijek u drugu posudu, jer može doći do zabune.

Nemojte koristiti ovaj lijek nakon isteka roka valjanosti koji je otisnut na pakovanju.

Datum isteka roka valjanosti se odnosi na zadnji dan u mjesecu.

Rok valjanosti:

Rok valjanosti je otisnut na pakovanju.

Rok valjanosti je 3 godine od datuma proizvodnje navedenog na pakovanju.

ANGIOTEC PLUS se ne smije primijeniti nakon roka valjanosti navedenog na pakovanju.

Lijekovi se ne smiju uklanjati putem otpadnih voda ili kućnog otpada. Pitajte svog farmaceuta kako ukloniti lijekove koje više ne trebate. Ove mjere pomoći će u zaštiti okoliša.

6. DODATNE INFORMACIJE

Šta sadrži ANGIOTEC PLUS

Aktivne supstance su enalapril maleat i hidrohlorotiazid.

ANGIOTEC PLUS tableta: Jedna tableta sadrži 20 mg enalapril maleata i 12,5mg hidrohlorotiazida.

Pomoćne supstance:

Laktoza monohidrat,

kukuruzni škrob,

5% mucilago kukuruznog škroba,

triglicerid stearinske kiseline (Dynasan 118),

mikrokristalna celuloza,

cink stearat

Kako ANGIOTEC PLUS izgleda i sadržaj pakovanja

Bijele, okrugle tablete ravne površine i kosih ivica.

ANGIOTEC PLUS 20 mg + 12,5 mg tablete: kutije sa 30 tableta ANGIOTEC PLUS u PVC/Al folija blisteru (1 blister sa 30 tableta).

Režim izdavanja:

Lijek se izdaje uz ljekarski recept.

Naziv i adresa proizvođača

Farmavita d.o.o. Sarajevo

Igmanska 5a, 71320 Vogošća, Bosna i Hercegovina

Proizvođač gotovog lijeka

Farmavita d.o.o. Sarajevo

Igmanska 5a, Vogošća, Bosna i Hercegovina

Nositelj dozvole za stavljanje gotovog lijeka u promet

Farmavita d.o.o. Sarajevo

Igmanska 5 Vogošća, Bosna i Hercegovina

Broj i datum rješenja o dozvoli za stavljanje gotovog lijeka u promet

ANGIOTEC PLUS, 20 mg + 12,5 mg, tableta: 04-07.3-2-9102/19 od 07.09.2020.